



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 196

DATUM: 6.02.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Potpisan Memorandum o saradnji između TI BiH i saveza općina i gradova u BiH

Održan konsultativni sastanak saveza općina i gradova u BiH sa međunarodnim donatorima

Predstavljen model finansijske održivosti sistema obuke za JLS

Potpisan protokol namjere za izgradnju turističkog grada u Tmovu

Povećan broj nezaposlenih na području općine Doboj Jug

U Tešnju održan seminar iz oblasti katastra i predstavljen CILAP projekat

Ministri u Vladi ZDK-a posjetili Općinu Doboj Jug

Obilježavanje dana Općine Odžak

Poziv za kandidaturu za evropski grad mladih 2018.

Za projekte iz energetske efikasnosti dostupan fond od 5 mil KM

Bilten Saveza općina i gradova Federacije Bosne i Hercegovine

POTPISAN MEMORANDUM O SARADNJI IZMEĐU TI BiH I SAVEZA OPĆINA I GRADOVA U BiH

SARAJEVO, 4. februar/veljača – Jučer je u Sarajevu upriličeno potpisivanje „Memoranduma o saradnji“ između Transparency International BiH (TI BiH), te Saveza općina i gradova Federacije Bosne i Hercegovine i Saveza opština i gradova Republike Srpske. Memorandum su potpisali predsjednik Odbora direktora TI BiH Emir Đikić, direktorica SOGFBiH Vesna Travljanin i generalni sekretar SOGRS Aco Pantić.

Potpisivanje Memoranduma je početak saradnje na realizaciji projekta „Jačanje integriteta u lokalnim samoupravama (SILG)“, koji finansira Ambasada Kraljevine Holandije u BiH, a koji za cilj ima unapređenje transparentnosti i odgovornosti u radu jedinica lokalne samouprave, te poboljšanje vladavine prava direktno kroz izgradnju kapaciteta lokalne samouprave za suzbijanje korupcije.

Vršilac dužnosti izvršnog direktora TI BiH Lejla Ibranović kazala je novinarima da je cilj projekta unaprijediti transparentnost i odgovornost u 20 jedinica lokalne samouprave kroz direktno građenje kapaciteta.

Projektna aktivnosti, između ostaloga obuhvataju razvoj priručnika za kreiranje atikorupcijskih planova / planova integriteta, obuka trenera koja će vršiti obuku o korištenju izrađenog priručnika, te realizacija 40 jednodnevnih treninga za predstavnike 20 općina o razvoju, uspostavljanju i provođenju antikorupcijskih planova / planova integriteta;

Predstavnici entitetskih saveza općina i gradova ocijenili su da je pitanje transparentnosti jedno od ključnih pitanja u BiH, te istakli da sve reforme koje se provode u javnoj upravi ukazuju na značaj i potrebu za unaprijeđenjem transparentnosti, a posebno jer nema ozbiljnih stranih investicija bez transparentnih procedura na nivou lokalne samouprave.

Đikić je kazao da će ovaj projekat biti institucionalno uvezan od državnog nivoa do lokalne samouprave, budući da će se sve aktivnosti bazirati na strategiji za borbu protiv korupcije i da će se jednostavno probati omogućiti da nakon 20 mjeseci 20 općina u BiH ima transparentne funkcije i da postaju transparentne sebi i građanima.

Najavljeno je i da će Agencija za borbu protiv korupcije biti uključena u implementaciju projekata.

Fotografije dostupne na sljedećem linku: <https://www.flickr.com/photos/56675831@N05/>



ODRŽAN KONSULTATIVNI SASTANAK SAVEZA OPĆINA I GRADOVA U BiH SA MEĐUNARODNIM DONATORIMA

U Sarajevu je, 2. februara/veljače u hotelu „Bristol“, održan konsultativni sastanak sa predstavnicima donatorske zajednice u Bosni i Hercegovini, a povodom predstavljanja nacrtu Strateškog plana Saveza općina i gradova Federacije BiH za period 2015 – 2019 godina i nacrtu Strateškog plana opština i gradova Republike Srpske za period 2015 – 2019 godina. Sastanku su prisustvovali predstavnici Švedske agencije za međunarodnu saradnju – Sida, predstavnici USAID – a, Švicarske razvojne agencije – SDC, UNDP- a i GIZ-a.



SWEDEN

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Kako se Sistem obuke za JLS, koji se realizira putem projekta UNDP-a, a finansijski podržava Sida, završava ove godine, neophodno je što prije započeti sa primjenom usvojenog modela financiranja obuke, a kako ne bi bila ugrožena realizacija daljih obuka za JLS.

Pored donatorske zajednice, ovom skupu su prisustvovali i predstavnici Stalne konferencije gradova i opština iz Srbije čija iskustva se koriste u izradi strateških dokumenata saveza.

Istaknuto je da su postignuti rezultati u vremenu implementacije važećeg Strateškog plana doprinijeli sve izraženijem uticaju saveza na ukupna zbivanja i promjene u oblastima od značaja za lokalnu samoupravu u Bosni i Hercegovini. Savezi svojim



aktivnim djelovanjem u sve većoj mjeri postaju prepoznati od strane centralnih vlasti i međunarodnih aktera i institucija kao nezaobilazan činilac u procesu reforme i unapređenja lokalne samouprave u svim njenim dimenzijama i kao spona između lokalnog i viših nivoa vlasti. Upravo zato prisutnima je predstavljen nacrt Strateških planova saveza općina i gradova u Bosni i Hercegovini za period 2015. – 2019. godina. Ovaj projekat je podržala Švedska agencija za međunarodnu saradnju – Sida. Strateškim planom u predviđenom periodu se očekuje ogroman razvoj i institucionalno jačanje organizacije oba saveza kako bi se postiglo značajno unapređenje na polju lokalne samouprave u cijeloj Bosni i Hercegovini. Prezentirani su načela, vizije, misije, programske oblasti i strateški ciljevi.

Definisanjem prioritetnih oblasti i glavnih ciljeva za naredni petogodišnji period, savezi će uspostaviti osnov za koordinirano djelovanje na razvoju lokalne samouprave, u okviru ukupnih napora koji se kako na državnom, tako i na entitetskom planu preduzimaju u cilju dalje demokratizacije, uspostavljanja institucija, opšteg napretka i unapređenja kvaliteta života građana.

Svi predstavnici međunarodne zajednice su svojim komentarima dali doprinos kvalitetnoj diskusiji, što će pomoći pri izradi finalnih strateških dokumenata saveza, a sve s ciljem jačanja položaja lokalne samouprave u Bosni i Hercegovini.

Kako je istakao predstavnik Švedske agencije za međunarodnu saradnju – Sida, gospodin Mario Vignjević, opredjeljenje Švedske vlade je da i dalje podržava projekte usmjerene na jačanje lokalne samouprave u Bosni i Hercegovini.

PREDSTAVLJEN MODEL FINANSIJSKE ODRŽIVOSTI SISTEMA OBUKE ZA JEDINICE LOKALNE SAMOUPRAVE



U prostorijama Javne ustanove „Dom mladih” u Tuzli, kao regionalnom lokalitetu za izvođenje obuka u okviru Sistema obuke za jedinice lokalne samouprave (JLS), 27. januara /siječnja održana je prezentacija Modela finansijske održivosti Sistema obuke za JLS.

Tokom protekla dva mjeseca, Razvojni program Ujedinjenih nacija (UNDP) u saradnji sa Savezom općina i gradova Federacije Bosne i Hercegovine organizirao je prezentaciju ovoga

modela u mjestima Ključ, Tomislavgrad, Vogošća i Vitez.

Posljednja, peta prezentacija modela održana je u Tuzli, gdje se u ime Gradske uprave prisutnima obratio i zaželio dobrodošlicu predsjedavajući Gradskog vijeća Tuzla, Jozo Nišandžić. Učešće u izlaganju uzeli su Edin Demirović i Fazila Sivo koji su prezentirali aktivnosti Saveza i Agencije za državnu službu FBiH u okviru Sistema obuke za JLS.

Mirsad Bašić, član Radne grupe za izradu modela govorio je o koordinaciji i vođenju politike obuke u JLS, a sam model finansijske održivosti sistema obuke u JLS izložio je konsultant UNDP-a Emin Cero.

Gledajte Savez općina i gradova
Federacije Bosne i Hercegovine na



SISTEM OBUKE ZA JEDINICE
LOKALNE SAMOUPRAVE

Kako se Sistem obuke za JLS, koji se realizira putem projekta UNDP-a, a finansijski podržava Sida, završava ove godine, neophodno je što prije započeti sa primjenom usvojenog modela financiranja obuke, a kako ne bi bila ugrožena realizacija daljih obuka za JLS. Na sastanku je bilo govora i o tome kako unaprijediti obuku u kvalitativnom smislu, kojim oblastima dati prvenstvo u obukama za ovu godinu, a pri čemu je komunikacijama dato važno mjesto.

Vlada Federacije Bosne i Hercegovine je, u skladu sa Strategijom obuke za jedinice lokalne samouprave 2011.-2015., donijela Odluku o osiguranju finansijske održivosti obuke za jedinice lokalne samouprave u FBiH, a kroz model finansijske održivosti. Odluka i model finansijske održivosti objavljeni su u Službenim novinama FBiH, broj 50/14, dok je Strategija obuke za jedinice lokalne samouprave 2011.-2015., koju je također usvojila Vlada FBiH 22.02.2012. godine objavljena u Službenim novine FBiH, broj 19/12.

Oba dokumenta dostupna su na web stranici saveza:

Strategija obuke za jedinice lokalne samouprave u FBiH

<https://onedrive.live.com/view.aspx?resid=9C8FCA92D323DF0E1469&ithint=file%20pdf&app=WordPdf&authkey=IAPN5B4mP3gETsUc>

Model finansijske održivosti Sistema obuke za JLS

<https://www.dropbox.com/s/0m078dkzyxpqqe/ODLUKA%20o%20finans.%20odr%C5%BE.%20sistema%20obuke.pdf?dl=0>

POTPISAN PROTOKOL NAMJERE ZA IZGRADNJU TURISTIČKOG GRADA U TRNOVU



Sa potpisivanja protokola, načelnik Općine Trnovo Ibro Berilo i Ismail Ahmet, direktor kompanije Buroj Property Development

SARAJEVO, 2. februar/veljača – Izvršni direktor kompanije "Buroj Property Development" iz Ujedinjenih Arapskih Emirata Ismail Ahmet i načelnik Općine Trnovo Ibro Berilo potpisali su danas u Sarajevu Protokol o namjeri kojim je predviđena saradnja na izgradnji integrisanog turističkog grada "Buroj Ozone" na području općine Trnovo. Potpisnici ovog dokumenta kazali su da bi izgradnja ovog turističkog grada donijela direktne prihode turizmu u BiH, te otvorila mogućnost za otvaranje nekoliko hiljada radnih mjesta.

Načelnik Berilo je pojasnio da je ovim projektom planirana izgradnja oko 1.000 stambenih objekata, hotela i tržnih



Grb Općine Trnovo

centara.

"Prvi put će se graditi turistički kompleks koji će po svojoj veličini i vrijednosti investicije predstavljati najveći projekat ove vrste na području Jugoistočne Europe i šire. Ukupna vrijednost projekta je oko 4,5 milijardi KM", rekao je načelnik Berilo.

Prema riječima Ahmeta, "Buroj Property Development" je vodeća kompanija za urbanistički razvoj u Ujedinjenim Arapskim Emiratima i posvećena je tome da postane jak partner BiH u razvijanju ogromnog turističkog potencijala kojeg naša zemlja ima, naglasivši kako žele asistirati u tome da BiH postane lider u razvoju turizma u regionu.

U okviru ceremonije potpisivanja Protokola prikazan je i desetominutni film koji prikazuje detaljni plan izgradnje ovog turističkog grada.

"Prvi put će se graditi turistički kompleks koji će po svojoj veličini i vrijednosti investicije predstavljati najveći projekat ove vrste na području Jugoistočne Europe i šire. Ukupna vrijednost projekta je oko 4,5 milijardi KM."

POVEĆAN BROJ NEZAPOSLENIH NA PODRUČJU OPĆINE DOBOJ JUG

Na evidenciji Službe za zapošljavanje Zeničko dobojskog kantona, na kraju 2014. godine bilo je registrovano 70.491 nezaposlenih osoba, što je za oko 500 manje u odnosu na početak iste godine, izjavio je za RTV Zenica Ratko Orlandić, direktor Službe, navodeći da je broj zaposlenih bio za 8.067 osoba veći u odnosu na broj nezaposlenih što je svojevrsni pomak, mada u globalu, odnos zaposlenih i nezaposlenih u ovom kantonu je i dalje jako nepovoljan, što se svakodnevno odražava na socijalno-ekonomsko stanje ovog kantona.



Grb Općine Doboj Jug

Krajem prošle godine najveći broj nezaposlenih na prostoru ZDK, njih 22.970, zabilježen je na teritoriji Zenice. Kada je u pitanju prošlogodišnja evidencija sa Biroa rada u Doboj Jugu, podaci govore da je krajem 2014. godine registrovano 1.015 nezaposlenih građana. Tokom godine posao je izgubilo 264 lica (evidentirani na Birou rada došli iz radnog odnosa), što je za 79 veći broj u odnosu na isti period 2013. godine.

Putem Službe za zapošljavanje na prostoru 12 općina ZDK lani je zaposleno 13.178 lica, od čega je njih 1.806 zaposlenje našlo po osnovu različitih programa zapošljavanja, koje redovno finansiraju Federalni zavod za zapošljavanje, kao i ZDK. Očito je da su majske poplave u 2014. godini znatno uticale na povećanje broja nezaposlenih, pogotovo što je veliki broj firmi pretrpio ogromne štete usljed poplava i klizišta, i trebaće im mnogo sredstava i vremena da obnove proizvodnju i vrate radnike na posao.



U TEŠNJU ODRŽAN SEMINAR IZ OBLASTI KATASTRA I PRESTAVLJEN CILAP PROJEKAT



U organizaciji Federalne uprave za geodetske i imovinsko-pravne poslove i Općine Tešanj, održan je seminar na kojem su predstavljene rezultati i izazovi koji predstoje tokom sljedećeg perioda u oblastima katastra u Federaciji BiH. Radi se o CILAP projektu o kome su govorili direktor Federalne uprave za geodetske i imovinsko-pravne poslove FBiH Željko Obradović, direktorica ovog projekta Anđa Zimić, direktor kantonalne uprave za geodetske i imovinsko-pravne poslove HNŽ Ivan Lesko i Općinski načelnik Suad Huskić. Kako se u općini

Čitluk provodi ovaj pilot projekat po principu sufinansiranja 50% Federalna uprava za geodetske i imovinsko-pravne poslove i 50 % općina, u oblasti nekretnina i katastra uvodi se novi program uspostave adresnog registra po kome će se obilježavanje nekretnina vršiti po objektima, a ne po vlasniku što će olakšati donošenje rješenja za komunalne naknade i drugo. U drugom dijelu seminara predstavljen je Nacrt Zakona o izmjeni i dopuni Zakona o premjeru nekretnina i katastru koji je izrađen uz podršku CILAP projekta, a koji je u proceduri donošenja. Ovom seminaru su prisustvovali predstavnici općina Zeničko-dobojskog, Bosansko-podrinjskog, Posavskog, Tuzlanskog i Kantona Sarajeva te predstavnici MUP-a ovih kantona.

MINISTRI IZ VLADE ZDK POSJETILI OPĆINU DOBOJ JUG

Ministar poljoprivrede, vodoprivrede i šumarstva, Bojan Bošnjak i ministrica finansija u Vladi ZDK-a, Sabina Heljić, 5. februara/veljače posjetili su Općinu Doboj Jug.

Kako je kazala Općinska načelnica Jasminka Begić, cilj posjete je bio da se ministri upoznaju sa implementacijom projekata na području općine Doboj Jug i provedba sporazuma o prijenosu sredstava za sufinansiranje projekta sanacije i proširenja vodovodne mreže u kojem Vlada ZDK-a učestvuje kao sufinansijer. Načelnica Begić, osim stanja investicija koje su u toku, upoznala je ministre i o aktuelnoj situaciji u Općini Doboj Jug sa težištem na sanaciji šteta od poplava.

Vlada ZDK-a je Zaključkom iz avgusta/kolovoza 2014. godine odobrila 250.000 maraka za sufinansiranje projekta rekonstrukcije dijela vodovodne mreže, u vrijednosti od 180.000 KM, te izgradnju sekundarnog odvojka za fekalnu kanalizaciju za dio Novog naselja u Matuzićima u vrijednosti od 70.000 KM, dok će se razlika do ukupnog iznosa vrijednosti ove investicije, 418.831,71 KM obezbijediti iz sredstava odobrenog EIB-ovog kredita za ove namjene. Ovom sastanku u kabinetu načelnice Općine Doboj Jug, Jasminke Begić prisustvovao je i Općinski vijećnik Nijaz Avdić.



Sa sastanaka načelnice Begić sa ministrima u Vladi ZDK-a

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



OBILJEŽAVANJE DANA OPĆINE ODŽAK

Povodom obilježavanja 8. februara/veljače, Dana općine Odžak, 6. februara/veljače u sali Hotela "EURO" u Odžaku biće održana svečana sjednica Općinskog vijeća Odžak, na kojoj će općinski načelnik Hajrudin Hadžidedić i predsjedavajući Općinskog vijeća Jakov Ivanković istaknutim pojedincima, udrugama i kolektivima uručiti najveća općinska priznanja povelje, spomen-zahvalnice i zahvalnice.

Na sjednicu su pozvani brojni gosti, predstavnici izvršne i zakonodavne vlasti sa gradskog, kantonalnog, federalnog i državnog nivoa i veliki broj privrednika, predstavnika kulturnih, obrazovnih i vjerskih institucija, ambasada u BiH, udruge proistekle iz domovinskog rata, te mediji. „Uprkos brojnim problemima koji su zadesili Općinu Odžak u vremenu između dvije svečane sjednice Općinskog vijeća, globalnoj krizi koja je zahvatila i našu zemlju, prosvjedima u februaru prošle godine i majskim poplavama, Općinska uprava je činila maksimalne napore da što je moguće bolje obavlja sve poslove koji su u njenoj nadležnosti,“ istakao je načelnik Hadžidedić u obavijesti za javnost.

„Imajući u vidu nepredviđene okolnosti, mnogi projekti koji su planirani u Programu rada za proteklu godinu su pomjereni za određeno vrijeme, jer je prioritet bilo zbrinjavanje ljudi ugroženih poplavom, njihov povratak u njihove domove i obnova oštećene i uništene infrastrukture.“

I pored vanrednih aktivnosti i aktivnosti oko sanacije šteta i popravka kuća postradalog stanovništva u poplavama, koje su imale prioritet, nije spriječilo Općinsku upravu da u protekloj 2014. godini na području općine Odžak implementira više značajnih projekata.

„Najvažniji od njih su izgradnja putne infrastrukture u Poduzetničkoj zoni SJEVER, Plan prilagođavanja upravljanja otpadom za Općinsku deponiju komunalnog otpada na lokalitetu "Neteka", u oblasti poljoprivrede je iz različitih izvora finansiranja uloženo oko 350.000 KM za čišćenje kanala za oborinske vode i uređenje poljskih puteva, u suradnji sa Fondacijom "Mozak" i Misijom USAID-a, je putem Omladinske Banke implementirano ukupno 12 projekata, čime se Općina Odžak svrstava u najuspješnije u Federaciji u realizaciji programa Omladinske banke.“ Od najznačajnijih projekata koji su trenutno u toku je rekonstrukcija i revitalizacija Male vijećnice-Beledije, nakon čega će biti uređena sala za sjednice Općinskog vijeća, sanitarni čvor i arhivski prostor.

I u ovog godini Odžak će biti jedno od najvećih gradilišta u Bosni i Hercegovini. Odobreno je nekoliko važnih projekata koji će biti implementirani u 2015. godini. To je izgradnja kolektora oborinske kanalizacije u vrijednost 375.000 KM, izgradnja vodovodne mreže u Poduzetničkoj zoni "Sjever" za šta je potpisan ugovor sa Federalnim ministarstvom obrta, razvoja i poduzetništva, ukupne vrijednost 120.000 KM.

U okviru projekta "Partnerstvom do efikasnijeg ekonomskog razvoja" biće uspostavljen Centar za proizvodnju, skladištenje i pružanje usluga. Vrijednost projekta je blizu 220.000 KM, a finansira iz Općinskih sredstava i sredstava Evropske unije.

Te dva mega projekta za općinu koji su u toku ili su u pripremi. To je Projekat koji se tiče nasipa na rijeci Savi i Bosni pod nazivom "Dovođenje zaštitnih vodenih objekata na poplavnom području odžačke Posavine na potreban stepen zaštite od velikih voda" u vrijednosti 37,5 miliona KM, a finansira se iz sredstava Agencije za vodno područje rijeke Save i međunarodnih institucija, te drugi projekat je "Izgradnja dionice autoputa Koridora 5C", koji prolazi kroz područje općin Odžak.

Ukupna vrijednost projekata koji su u toku i koje će implementirati Općinska uprava u 2015. godini prelazi iznos od jednog miliona KM. Za sve navedene projekte obezbijedena su namjenska sredstva putem resornih ministarstava, sredstava Evropske unije, donacija Republike Turske i iz Proračuna Općine.



Grb Općine Odžak



Odžak

POZIV ZA KANDIDATURU ZA EVROPSKI GRAD MLADIH 2018.

Titulu „Evropskog grada mladih“ dodjeljuje Evropski omladinski forum u trajanju od jedne godine jednom evropskom gradu ili općini.

Tokom jedne godine se izabranom gradu ili općini pruža šansa da bude zajednica za uzor održivog učešća mladih u javnom životu i da se prikažu kulturološki, socijalni, politički, ekonomski i drugi aspekti života mladih u zajednici.

Više o načinu apliciranja možete naći na sljedećem linku: <http://european-youth-capital.org/>

Poziv za apliciranje: <http://www.youthforum.org/assets/2014/12/EYC-2018-Call-for-Applications.pdf>

Aplikacija: <https://www.dropbox.com/s/s8qip8d3qb19qk7/EYC2018-Concept-Note-Application-Form.doc?dl=0>





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

ZA PROJEKTE IZ ENERGETSKE EFIKASNOSTI DOSTUPAN FOND OD 5 MILIONA KM

ENERGETSKA EFIKASNOST



U sklopu programa Horizon 2020. raspisan je natječaj za podršku u razvoju projekata za inovativne, profitabilne i zajedničke održive investicijske planove i projekte u sektoru energetske učinkovitosti. Rok za dostavu prijedloga je 4.6.2015. godine.

Radi se o bespovratnim sredstvima u iznosu od 5 milijuna eura koji je namjenjen za projekte iz zemalja članica EU-a, a njemu pristup imaju i Albanija, Bosna i Hercegovina, Crna Gora, Island, Lihtenštajn, Makedonija, Norveška, Srbija i Turska.

Iz Europske komisije očekuju da svaki milijun potpore iz Horizon 2020 mora osigurati investicije vrijedne 15 milijuna eura.

Ovaj natječaj je otvoren s ciljem mobilizacije relevantnih interesnih skupina koje će osigurati stvaranje baze investicijskih projekata, razvoj studija izvodljivosti te inženjerskih alata za rješavanje legalnih i birokratskih pitanja, navode iz Europske komisije.

Podrška će se pružati javnim i privatnim projektnim prijedlozima poput javno-privatnih partnerstava za upravljanje infrastrukturom, energetskim uslužnim kompanijama (ESCO), maloprodajnim lancima, gradovima, malim i srednjim poduzećima te industriji.

Da bi bili prihvatljivi, projekti moraju biti profitabilni, inovativni i održivi te uz to imati dodanu vrijednost za širenje projekata dobre prakse, navode iz EK.

Prijedlozi projekata koji bi mogli biti podržani moraju se odnositi na rješenja vezana za privatne zgrade, infrastrukturu prodajnog tržišta energije koja uključuje pametne mreže, e-mobilnosti punjenja bodova, mreže javne rasvjete, mreža daljinskog grijanja...

Cilj ovog programa je da se realizacijom projekata razviju vjerodostojnije baze profitabilnih, zajedničkih projekata te finansijskih shema kao i prikaz inovativnih finansijskih rješenja što će sveukupno dovesti do unaprjeđenja povjerenja investitora.

